



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«___» _____ 20 թ.

No _____

ՀՀ ՔԱՂԱՔԱՑԻ

ԲՈՐԻՍ ՈՒՍՈՒԲՅԱՆ

(ՀՀ, 2208, ք.Արտվյան, 3 մկրշ., 27շ., 34բն.)

Հարգելի Բորիս Ուսուբյան

Ուղարկվում է ՀՀ պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության բացթողնման բաժնի մաքսային տեսուչի կողմից 2024 թվականի մարտի 18-ին «Մաքսային կարգավորման մասին» ՀՀ օրենքի 304-րդ հոդվածի հատկանիշներով Ձեր նկատմամբ կազմված մաքսային կանոնների խախտման վերաբերյալ թիվ (05100010)/(18032024)/(00000263) արձանագրության պատճենը:

Հայտնում ենք, որ մաքսային կանոնների խախտման վերաբերյալ գործի քննությունը տեղի կունենա **2024 թվականի ապրիլի 04-ին, ժամը 09:30-ին՝ ՀՀ ՊԵԿ Երևանի մաքսային սպասարկման կենտրոն-մաքսատուն, վարչության վարչական շենքում՝ ք. Երևան, Իսակովի 10, 4-րդ հարկ, 405 սենյակ, հեռ. 060 84 11 01 (1140):**

Խնդրում ենք նշված օրը ներկայանալ և մասնակցել մաքսային կանոնների խախտման վերաբերյալ գործի քննությանը:


Միաժամանակ տեղեկացնում եմ, որ «Մաքսային կարգավորման մասին» ՀՀ օրենքի 332-րդ հոդվածի համաձայն՝ չներկայանալու դեպքում գործի քննությունը կիրականացվի Ձեր բացակայությամբ:

«Մաքսային կարգավորման մասին» ՀՀ օրենքի 336-րդ հոդվածի համաձայն՝ Մաքսային կանոնների խախտման համար պատասխանատվության ենթարկվող անձն իր նկատմամբ վարույթ սկսվելու պահից ունի. Վարչական իրավախախտումների վերաբերյալ Հայաստանի

Հանրապետության օրենսգրքի 267-րդ հոդվածով սահմանված իրավունքները՝ ծանոթանալու գործի նյութերին, բացատրություններ տալու, ապացույցներ ներկայացնելու, միջնորդություններ հարուցելու, գործի քննության ընթացքում օգտվելու փաստաթանի իրավաբանական օգնությունից. ելույթ ունենալու մայրենի լեզվով և օգտվելու թարգմանի ծառայություններից, եթե չի տիրապետում այն լեզվին, որով տարվում է վարույթը. գանգատարկելու գործով որոշումը, ինչպես նաև իրավունք ունի վարույթն իրականացնող մարմնից ստանալու վարույթի ընթացքում իր իրավունքների մասին պարզաբանումներ, առարկելու վարույթն իրականացնող մարմնի գործողությունների դեմ և պահանջելու իր առարկությունները ներառել արձանագրության մեջ, հայտնելու բացարկեր, ծանոթանալու այն նիստերի արձանագրություններին, որոնց նա մասնակցել կամ ներկա է եղել, դիտողություններ ներկայացնելու արձանագրությունում գրառումների ճշտության և ամբողջականության առնչությամբ, պահանջելու արձանագրության մեջ գրառումներ կատարել այն հանգամանքների մասին, որոնք, իր կարծիքով, պետք է նշվեն:

ՀԱՐԳԱՆՔՈՎ՝

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ
ԿԵՆՏՐՈՆ-ՄԱՔՍԱՏՈՒՆ, ՎԱՐՉՈՒԹՅԱՆ
ՊԵՏԻ ՏԵՂԱԿԱԼ



ԱՐԱՍԻ ԱՐԱՅԱՆ

Կատ' Արման Հարությունյան
ԵՄՍԿՄ, վարչության գլխավոր
մաքսային տեսուչ-իրավաբան
Հեռ' 060-84-11-01 (1140)



ՀՀ ՊԵՏԱԿԱՆ
ԵՎԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am